



· 10971

六瑩堂集卷之五

國朝南海梁佩蘭芝五著

五言律一

仙人宮樹

亦是同天地栽培自不同得承仙掌露長被帝琴風鴛  
瓦飛何碧龍池影盡紅最憐春日色人望儼雲中

美人

美人象太古手拊媧皇琴白日灑飛雪清風揚素襟結  
為翡翠帶冠以瑤華簪我欲和一曲歸昌鸞鳳音

六瑩堂集卷之五

秋園

秋風吹大海海色結寒姿入我南園裏無人獨坐時陰  
陽天漸改景物候新移一取珠琴拂水流滿地絲  
石塘三畝水一半種芙蓉古樹圍秋屋閒門歇遠峰避  
人寒谷鳥闕世早潮鐘久矣雲林內柴車出欲慵  
野人居處好生事人秋佳晒藥香黏地煎茶葉滿齋露  
華凝碧甃風勢東寒槐擬欲登山去吳僧昨寄鞋  
終日曾何事堦前掃粟趺動人惟草木行樂半歌呼心  
靜神明迴身閒物役無翻忘天地大邱壑老潛夫

詩雪軒校刊本

虛牖如山寂池穿百尺蘿寒魚深在藻幽鳥暗移柯短  
髮人將老高天日易過此時江上水白滿洞庭波  
有時白雲過終日自飛鷺賓主兩不答往還誰復論漁  
烟吹港口鴈影落松門何處聞蘆葦聲聲折到根  
秋菊香滿把幽蘭芳蘊襟寄情籬落外牽夢楚江深  
彷彿佳人立低徊獨鳥吟不知滄海畔誰和權歌音  
臥起中宵立無人自卷幃眾聲奔耳亂萬態約心微草  
氣幽成路霜華凍上衣最憐螢火小流影學星飛

黃農去我久焉得見生初日月長如此田園且自鋤滿  
林霜下果一尺枕中書便足年來事前山瀑照廬

秋夜

聽蟲冥百念終不斷高吟孤嶼潮方起南溪月已深寺  
鐘過水廟霜葉覆沙禽亦是人間夜能關靜者心

訪陳夔石西洲畱宿石岡書屋

西洲沙口路船接蔗田青夕照流罨影晴溪鑿鶴形故  
人相見少累月不開扃與我每秋約閒吟永夜星

高館分燈焰微風隔葉涼泉飛百鳥聽橘熟一山香歡  
會那能久勞生亦太忙歸心不可極昨夜夢魚梁

岡有百鳥

泉  
閣夜雨中卽事柬唐海門

雨聲喧閣夜鄰火不成春又去渡滄海波濤高幾重遙  
知白雲上失卻一邊峰稍待看朝日新林策短筇

獨立

獨立在溪橋溪聲助寂寥夕陽帆背動秋色石林驕落  
葉依歸雁疎鐘應上潮美人天外思延望一何遙

郊行

郊西二三里所適成芳陰白日不到地青山垂一林蟬

六瑩堂集卷之五

三  
詩雪軒校刊本

鳴貫叢木荷氣來疎襟復值隱君子石橋煙話深

送一株上人之豐湖

我愛羅浮蝶飛飛不可從仙人日散髮戲蝶在高峰師  
去住峰下月光吟水龍遙空發三嘆湖斷一秋鐘

送契如上人桂林

菩薩願無盡所行皆爲人桂山隨雨遍楚水極煙春講  
律通猗獐拈花接峒民禪心亦何寄孤月夜相親

容櫟堂同諸公賦

茂宰政多暇白雲渺相望爲堂受櫟樹五月飛滄浪對

客不巾襪稱詩來鳳凰羣公復何事散髮和高岡

送張南士歸四明

客路初臨水鄉心已到家秋聲在蟋蟀寒色滿蒹葭  
日朝懸樹山雲晚變霞遙知閨閣裏夜夜報燈花

何處成高隱家山在四明秋風招白鶴春雨斲黃精  
巖嶂當窓滿長松入戶清且無官稅累兼可事躬耕  
四壁原無愧皇天賤汝躬但能依老母即可答先公心  
事萌香草呻吟託病蟲白雲持幾片期與故人同

交黃鈴羊峽

六瑩堂集卷之五

四

詩雪軒校本

交廣咽喉路中流見峽迎果然天設險不似地空平日  
月雙崖夾波濤一線行濟川心獨苦秋色爲淒清

封川

憶昔聞南漢英雄起後梁地全收象郡舟欲接熊湘草  
木猶兵氣江山失霸王空餘城郭在行客立斜陽

蒼梧雜詠

江路潮初盡蒼梧接望來眾聲深壑聚秋色萬山開風  
俗從人問音書昨夜裁故鄉看不見誰上越王臺

葭莢蕭蕭舉漁煙淦淦無溪搖山燒斷雲匝野航孤竹

屋連岡阜魚梁入畫圖客行雖俯水終日問樵夫  
明霞冠高嶺閃出金銀峰鳥道日邊掛瀑泉雲外春儼  
然對都嶠卽欲騎茅龍仙跡定可遇茯苓生古松  
虞帝遺祠廟衡山秩祀年翠華乘日馭朱鳥翼星躔韶  
石音何去蒼梧路渺然無由撫靈瑟迢遞隔湘煙  
嫋嫋江邊竹皇英灑淚餘衣裳垂寂寞環珮降空虛天  
地歸蒲阪年時紀竹書不須臨北渚獨立總愁予  
鏡裏悲衰髮人前認老夫傳聞有句漏此地卽仙都霧  
結黃金鼎雲升太乙爐去求丹熟藥能授一丸無

六瑩堂集卷之五

五 詩雪軒校刊本

亂石排魚復橫灘立鷺濤水聲飛弩下舟勢拔山高疏  
鑿何人到撐持只自勞曉來煙霧蔽牽纜似秋毫

社樹山村路山家樂事多綴籬全錦菊棲畝半餘禾雞  
卜調神鬼蕉衣換綺羅野人當賽日酣醉自爲歌

江上孤舟客柴門老布衣秋山朝獨對霜鶴夜深飛有  
夢逢妻子無營絕是非蘆花新月上孤負舊漁磯

好友三年隔秋來寄綵繪重言天下事細卷剡中藤阿  
閣巢朱鳳南溟有大鵬何時到官舍同擁雪寒燈

諸侯方好士東帛禮賢人草野曾何補名山自覺春帝

王天有命龍虎氣更新願借雲雷手乘時濟險屯  
離亂終難定行藏早自疑不才成老大多病臥茅茨車  
蓋非吳會湘江讀楚詞沙頭楓落滿日暮更何之

具茨山堂待月

遠色生虛館微陽落近郊高僧相對坐反在一間茅水  
動聞魚蕪燈明見鶴巢何因林外影江月夜深拋

寒食郊外訪塵上人

野外尋僧舍相將到板橋間雲三兩片新柳短長條供  
佛瓶添水安禪壁挂瓢不因寒食節烟火亦蕭蕭

六瑩堂集卷之五

六  
詩雪軒校本

逕曲門常掩林深客不知烏翻山影斷人立夕陽遲藥  
嶼通孤磬春潮人小池欲來長隱几一月數相期

登白嶽自紫玉屏降觀沈香洞

萬丈紅崖下句連碧洞深風雷穿地底罅隙逗天心果  
熟猿相獻巢高鳥獨吟降真香不散飛落玉簫音

碧霄峯聽道童吹笙

道童善吹笙吹作鸞鳳聲令我坐峯頂羣仙降鶴迎上  
天三十六親見許飛瓊相勸飲金液明朝朝玉京

玉天贈白嶽老僧

嶽頂老僧住自言無見聞前峯斷孤壁寒瀑落紛紛  
去收紅葉閒來放白雲一從秋日好禪坐每宵分

寄離上人

離公老耆宿道骨如孤松一別逾半載悠悠將孟冬  
言尋白嶽瀑夢阻朱明鐘今日涉江水褱襪鴈影重

舟發閩水至饒陽道中作

路出閩江口江流亂似堆馬銜秋草去船載夕陽來  
石鏡飛天照雲門跨水關前途猶未止一過一徘徊

左折疑無路中橫忽有灘踏沙逢紫蛙拾草得紅蘭山

六瑩堂集卷之五

七  
詩雪軒校刊本

色遙多變雲衣畫一看不離鷗與鷺終日在河干

水路隨山轉行行不厭重沂流三百里迢遞幾千峯此

地尊漁戶秋風老客容最憐隔江女江上采芙蓉

坐久月未出草風吹野香前溪下楓葉一半上衣裳山

影暗當岸船燈明過牆無端與烏鳥終夜只啼霜

小雨溼自好秋花鮮向人秋花照江水一片江南春白

露節未降白雲懷已新扁舟語舟子花下且垂綸

鎮上燒窰處看來俗自新煙迷三里霧石化一方塵水

驛通磁器鄉人祀火神女巫秋醮日迎送舞羅巾

聞說潯陽口將軍近渡河射潮排赤矢圍岸擁瑤戈十  
萬皆蠻女珍珠載橐駝何時江上客行路滿漁歌  
苦被浮名遣蹉跎又一時往來空自笑前後不堪思獨  
夜燈相弔還山鶴定疑菊花天氣好最憶是東籬

自饒陽過鄱湖口號

善動無如水能孤卽是雲我同雲寂寞來渡水繽紛秋  
色生蘋葉湖風捲浪紋不會行半日遺廟見匡君

祁陽山菴贈靜上人

住山受清氣道體得精強敝屣行深蘚枯禪坐斷香簇

六瑩堂集卷之五

八  
詩雪軒核刊本

人崖蜜大粘竹石螢涼誰與談峯頂寥寥空夕陽

江上寄王東村

好月在得水佳人應念茲常疑對深夜不信別多時楚  
橘落襟袖吳霜飛鬢絲思歸學朱鳥棲向最南枝

江口夜泊

古塔斜陽掩輕舟曲渚停雲迎升峽月風送下江星折  
岸沙重疊搖波樹杳冥漁人殊未宿燃竹飯山青

新興道中

要古荒城路傷心到幾時前人興戶口今日付瘡痍地

開延三縣江空納一絲山邊望烟火桑柘影參差  
盧師生長地當日少人知山湧芙蓉塔天垂日月池袈  
裟雷一片燈火續千枝試飲江中水禪心定不疑  
山路河頭出縣連紫翠重車輪行一綫村落列千峯墜  
石猿吟谷飛雲鶴下松望偏孤寺影停午一聲鐘

宿銅石

一夜虛巖響孤村夢屢醒石樓延小月茅屋返疎聲巷  
迨牛羊氣山銜草木形遙聞採樵叟蹶路入青冥

桐山寺

六瑩堂集卷之五

九

詩雲軒校刊本

古寺藏山腹當門瀑布交地高峯倒影花落鳥成巢野  
果垂青柰池亭縛白茅到來方日午齋磬出松坳  
雨勢奔江黑晴來見晚暉虹蜺孤壑斷蒼笠隔林歸紫  
蕨雲根長紅泉竹下飛了無人跡到苔上老僧衣

晚發黃泥灣

野色暝還霽泊然江水清岸風交草動波月疊衣明耳  
目非經歷巖巒競送迎青蒼瀧口北隱映見層城

溫泉

丹竹當山缺靈湫合鏡盈鴻濛猶未散水火自相烹香

斷硫磺氣膏融赤日精龍宮多寶物沐浴總長生

泉在春州

丹竹

秋夜宿陳元孝獨漉堂讀其先大司馬遺集感賦

大節平生事文章復不刊墨痕猶似漬碧血幾會乾自得乾坤正誰知事勢難草堂燈一點霜氣迫人寒竟使神京陷皇天亦不仁衣冠生亂賊草莽起孤臣臥劔雷常動揮鞭日欲新宏光諸疏草侃侃究天人妻子何曾惜心肝祇爲君數行司馬法百戰水犀軍太白乘陰氣招搖指敗雲英雄惟有歎終古語誰聞

六瑩堂集卷之五

十一 詩雪軒校刊本

至今亡國淚灑作粵江流黑夜時聞哭悲風不待秋海填精衛恨天墜杞人憂一片匡山月空來照白頭往日鳴珂里孤兒應羽林姓名麟閣重骨肉主恩深歎命嗟何適浮湘欲斷吟及門諸弟子同有伯夷心巫陽不可問中夜思空繁私淑欽前哲貧交得後昆君臣千古分忠孝一家言危坐難終卷秋風正掩門

除夜宿華林寺呈宗公

浮生真可惜又是一年終草草風塵內沈沈夢寐中東雲飛不起殘月照全空何意投方丈香爐火正紅

日關 輓王說作

未哭歌先短窮交二十年幾人泉下路似汝世間賢讀  
易常思過求知只在天那堪回首處流影入蒼煙

美髯猶可象觀化已無形地關詞人塚天沈處土星雪  
封寒瀑斷松立眾山青伐石書私諡將同瘞鶴銘

篋中遺集在開讀思難勝沙月光無跡秋潭綠化水數  
行酬藥價一紙寄山僧記得同堂作高樓遠夜燈

亦有江南賦纏綿類楚詞重華不可就山鬼至今悲老  
去梳頭髮閒來執釣絲衣冠相見日空歎不同時

六瑩堂集卷之五

七

詩雪軒校刊本

江左烏衣後瑯琊大道王姓名傳樂府金石出歌商大  
雅能相繼王風賴不亡廣陵彈一曲休更過山陽

瑯琊大道

王此樂府語也說作之子  
蒲衣取以爲號故借用之

野望

晡暖夕陽岑稀疎榭樹林白雲迎遠目黃葉降秋心水  
氣漁人洩山煙鳥道沈城南多戍婦入夜更聞砧

偶題

苔色上衣桁橙花撲酒罍蜜房齊樹築棋局看人爭白  
日關門坐良時荷鐻行但能長若此身世復何營

豐湖畱別羅顥甫

幾夜湖心宿畱連未忍歸坐沈魚下影看盡鶴高飛孤  
月照將寂寸心言共微懸知別離後新葉積荆扉

答陳藥長

羅浮峯四百絕頂是飛雲雲體何無定飛飛散紫氛以  
予坐明月相待雲中君一鼓雲和曲人間不易聞

贈羅了一

黃山秋色好三十六峯明繚繞結雲海波濤天半生仙  
人立雲際手拂虹霓旌與我佳期值飄然向粵城

六疊堂集卷之五

七  
詩雪軒校刊本

古道今人少如君豈易逢清爲天上月直作澗邊松秋  
思生寒角禪燈坐曉鐘不忘芳草意猶自采芙蓉

寄月上人

聞師近精進寮裏見人稀供佛燃香頂棲禪斂戒衣竹  
風當晚瘦泉水到春肥想得觀心處人天並入微

送姚蕪人吳

一夜驚雷雨朝來喜見晴故人成遠別春水正初生山  
向南雄起江連北固平東風吹不斷相送闔閭城

送程生歸新安省覲

離情不可道楊柳共依依二月江南路江帆疾似飛近  
花風燕定收雪嶺鴻歸早晚黃山下殷勤著綵衣  
海國春初到潮聲應薄雷蛟龍連夜鬪風雨幾時開歸  
客爭櫻笋幽人住草萊艱難當此地嘆息霸王才

送鄧將軍歸劍州

一門稱將種如爾最風流對弈常中夜吟詩到白頭酒  
間時舞蔗花下笑藏鉤往日麒麟殿聲名動五侯

六瑩堂集卷之五

三

詩雪軒校刊本

間和裴燕芬下美詩

一門稱將種如爾最風流對弈常中夜吟詩到白頭酒

客爭櫻笋幽人住草萊艱難當此地嘆息霸王才

送鄧將軍歸劍州

一門稱將種如爾最風流對弈常中夜吟詩到白頭酒

客爭櫻笋幽人住草萊艱難當此地嘆息霸王才

六瑩堂集卷之五

共外卷之五

六瑩堂集卷之六

國朝南海梁佩蘭芝五著

五言律二

元日

西浦逢元日風光六度春  
亂離仍客舍貧賤剩閒身  
白髮那相妒青山久自親  
一杯新歲酒更擬作何人

人日

百年難此日况復值晴暉  
乍暖舒花氣餘寒蘊裕衣  
新萍魚學戲殘雪鴈知歸  
巷口饒春色兒童屢啓扉

六瑩堂集卷之六

一 詩雪軒校刊本

人日王蒲衣過訪

草堂人日好塔下木蘭開  
酒熟邀鄰飲詩成喜客來  
安貧元在道守拙爲無才  
請看前溪水新流曲曲回

寄懷石翁

大法何時返相違已六年  
錫藏嵩嶽影鐘載汴河煙  
寶月流羣象龕花結靜禪  
幾曾春鴈信得報牡丹前  
經歲漳南寺編書續竺一  
乾源流端後輩誦唱美先  
賢道樹靈芽出心燈玉炬  
懸殷勤銅雀瓦研墨半生  
煙客有金陵至言師昨歲  
還衣全黃葉滿身與白雲  
閑落

日雞鳴埭高秋馬跡山何人談性命燈火伴松關  
宿露霑松柏棲霞禮塔來玉毫如有象金骨不能灰照  
衲峯沈影銜花鳥上臺孝心諸佛見黯黯暮雲回  
傳說登臨興春來不暫停月忘孤寺白雲愛遠江青柳  
粟橫吳苑袈裟覆洞庭也知行處所草木盡成靈  
無力回天地爲農老此生牛羊同蓐食錢鎛事刀耕善  
病添新戒妨人識舊名自經師一別不復入重城

石翁入住長壽禪院賦贈

至德賢王請年時記赤烏寺開郊甸合峯立海門孤古

六瑩堂集卷之六

二 詩雪軒校刊本

鏡當人照新林任鳥呼天花飛幾片濫濫下平蕪  
法王尊貴者陞座曉鐘撞龍象圍香室人天立寶幢直  
將千佛現能使百靈降獨有龐居士無聞在隔江

西疇早春

荷鋤無力甚猶欲學人耕終日隨田父田間幾處行拾  
泥雛燕喜插屋女桑生便足闕身老悠悠貧賤情

寄吳山帶

秋色佳在遠美人思共深西軒坐中夜脈脈無知心古  
鏡抱照水青鸞飛入琴簾葭空一片相望阻來音

訪顧梁汾昌州客舍贈別

別來三晏歲一接隔秋書每想芙蓉月君家鏡裏居  
吟茄下鷺朝進鱸殘魚更自朝天去薇花滿玉除  
豈意昌州見征人且未行波濤離一日燈雪共三更  
醉名泉酒編謠子夜聲亦知同是客翻似在鄉城  
行李能驅我文章載一身尙遙燕國路先憶牡丹春  
兩傳衰草重裘閱老人祇應江閣上吟眺紀茲晨

贈別陸義山

仙郎新客舍一夕得相同久雨星方見寒吟柝並終夜  
裳添雪後心事向江空漸與風塵入長天急塞鴻

六瑩堂集卷之六

三

詩雪軒校刊本

次京口

帆檣京口路利涉一茫然水色含元氣潮聲吐大川乍  
疑人入海轉覺地浮天何事菰蒲外漁歌來扣舷  
遶郭盡江水長虹跨不來地形山勢截天塹海門開白  
晝龍鼉出中宵鼓角哀往時征戰處臨汎重徘徊  
闔閭無國土吳越有春秋霸業魚腸盡空山虎氣畱人  
來胥口岸雲匝寺前舟入夜聞僧磬梅花凍一樓

寄題殷麗木瀆山館

想見高人館柴門倚洞庭月明魚出沫煙靜鳥迴汀泉  
味春蕪綠山心石竹青賦詩千百首天地亦忘形  
野興誰相愜幽期我欲尋屋分松影大門積蘚痕深把  
釣過湖水聽鐘出嶽林幾時同步履七十二峯吟  
尋常居止外無事可言機澗僻窺猿飲天晴教鶴飛閒  
雲投竹杖寒瀑濺秋衣聞說新行徑尋僧失翠微

訪江石鳴漁竹庄有贈

隘巷尋高士荒齋一小園棕櫚衣覆地烏柏葉遮門養  
鶴糧俱絕烹茶火未溫平生貧徹骨不受一人恩

六瑩堂集卷之六

四  
詩雪軒校刊本

贈濮叟

濮叟吳中隱爲樓號半閤亂離成白首幽寂似青山齋  
日尋僧去花時逐鳥還所耽惟好句他事少相關

次揚州

一路淮南葉高低傍客飛蕪城新月上瓜步晚潮歸江  
氣空如鏡秋心感在衣誰知連棹發歌吹竹西微

漂母祠

一飯尋常事千年廟貌存母能生大將天不死王孫落  
落長淮水悠悠行路言從來漢高帝不及婦人恩

渡臨淮

江南將路盡江北此長征地入鍾離國山連下蔡城小  
舟先馬渡寒驛後人行漸覺無芳草春愁黯黯生

鳳陽

萬古塗山國淮淝此合流天成龍虎地人識帝王州飛  
鴈虛銀海遺民記玉旒忍看陵墓上風雨折松楸

騎驢

上馬苦著鞭騎驢得自然風塵容我後驅策任人先霜  
雪無時下關山忽在前從來經歷慣於爾獨畱連

六瑩堂集卷之六

五 詩雪野校刊本

汝小不堪策汝羸飜可傷人情重筋力吾意在馴良野  
曠風吹大天遙鳥去長還憐欹卓帽一月此中忙

黃河

汨汨黃河水天來壯禹門混茫惟一線橫逆乃中原撼  
日時聞響流雲不見根幸承舟利涉會拜水神恩

符離

渡口羣爭處行人滯有餘斷橋排馬隊歧路塞牛車黃  
葉心同落青山夢未除一冬飛鴈盡不見廣州書

韓庄早行

土店燈在壁出門心轉孤星光連馬眼水氣上人鬚沙  
路紛難辨天河澹欲無直行三十里始覺樹飛鳥

嶧山

嶧山鄆縣裏半日落車中眾石鱗鱗影平疇習習風人  
惟稱孔孟天盡入龜蒙一笑秦皇碣羣臣侈頌功

聊城

向夕聊城下沙雲捲日黃驛樓聞畫角野火見枯桑風  
掣神鷹過鞭鳴匹馬忙有懷高士節東海竟茫茫

景州

六瑩堂集卷之六

六

詩雪軒校刊本

青齊千里外直北更添衣風雪交河壯沙雲大陸飛路  
長防馬倦草淺念鷹饑進我黃羊炙居人射獵歸

雄縣

帶朔風多勁春來始漸柔雪消平野見冰破滿湖流雉  
雉車聲簇魚鱗屋影浮隔城堤畔柳景色似南州

涿州

磧日蒼黃色烽烟古涿州八旗回大將萬馬出諸侯再  
服環中土堯京控上游抱書當未獻翻欲倚吳鉤

惡少

惡少本幽并縱橫自性成黃鬚千帳曉綠眼萬人驚錦帶龍衣窄金鞭駿馬輕朝廷方用武知爾立功名

羽林郎

年少羽林郎腰間插大黃猿猱身敏捷戎馬氣剛強擊劍名王帳飛毬俠客場腐儒牙齒落噴噴訝金章

御溝水

長安橋下水水色白粼粼見在銅溝出知爲御苑春恩波歸帝子粉澤謝宮人莫更湯泉過華清浴正新

旅夜

六瑩堂集卷之六

七 詩雪軒校刊本

旅夜知何遣虛齋默坐中澁燈吟苦句斷雨聽幽蟲萬物俱交氣羣生未發蒙此時還獨醒心跡與誰同

東歸

北上旣不就東歸應復然文章難一第辛苦易經年古驛飛新葉寒江落舊煙山中有生計且種白雲田

古南池

我來濟水上訪古遊南池霽日正初下和風吹在茲陶情似新沐散帶臨清漪卻望青徐道天涯未有期

萬樹蟬聲集千花鳥影移芙蓉開夏扇楊柳簇春旗客

路無今日陽雲偶共期興來還藉草池上學垂絲  
荆門驛阻風

此際荆門驛北風吹大河倉皇舟失楫重疊水奔波  
日當人少黃雲聚氣多陰晴天不定明發更如何

青江浦題壁

銀瓶提玉酒瓊手酌金卮奉勸郎君醉臨當日暮時垂  
楊千萬縷紅豆兩三枝又是西烏夜星光照別離

泛高郵湖

天入菰蒲色沙邊葉盡開孟城千纜過璧社一帆回射

六瑩堂集卷之六

入詩雲軒校刊本

鴨兒童喜銜魚鶴鶴來白波平復起空巢出樓臺

飛鳥向邊過湖心還寂然鏡空全露影月滿不虧弦菱

角量無斗荷花摘滿船漁翁從此見睂髮類皆仙

倏忽已依岸適遊能幾時回看楊柳影風起亂絲絲好

景不常得此心仍欲期爲尋今夕夢湖水莫應知

江行雜詠

長風天上起倏忽到青蘋萬里隨雙槳孤吟剩一身江  
聲喧日夜秋色上衣巾蕩入蘆花去漁翁莫笑人

江水翻東暗城隅障北寒六朝人不識垂釣客空看天

氣占銅渾鐘聲得瓦官猶憐陰殿草衰颯到長干  
桃葉橫波去梅根遶渚歸黃瓜稱小草白紵製新衣倒  
汲銀河水斜開玉女扉不知何意緒連夜夢中飛  
舟路千盤下清流引翠微石崖松鼠走麥隴錦雞飛物  
理通人事勞生悟息機晚來殊自得涼月鑒絺衣  
江村亦有神賽社沈沈人立鷓鴣外舟虛禾黍陰野  
雲無定體碧草有秋心又逐橈聲去橈聲應獨吟  
雲雨昏迷極蛟龍戰鬪迴可憐天在水直似峽崩雷城  
角吹何急江流壓不開忽然朝日出百里見高臺

六瑩堂集卷之六

九

詩雪軒校刊本

古廟依江口神絃向夕聞畫裙巫女拜香草大夫薰落  
日歸龍戶高天出鴈羣洞庭如不遠從此禮湘君  
隔水聞砧過孤村有幾家亂藤穿細竹高樹出疎花蠶  
女能占月蜂王會報衙柴門太無事終日對明霞  
聞說池陽郡昭明有故祠古雲垂碧瓦新日表金枝晁  
服同皇帝文章實我師欲將江上水親爲薦蕪詞  
天濶圍彭蠡江深突小孤波濤原惡險風雨半虛無遠  
動魚難上長空鳥不呼與誰忘處所閱羨水中蒲

湖水空如鏡廬山削至天芙蓉朝灼日菱葉夕開煙掛

瀑飛絲小行魚聚沫圓要攜登嶽杖且泊泛湖船  
肅肅泊天鳥翬翬離水濱西風滿南浦行路獨何人野  
曠兼多磧灘陰况有神不須前送遠聞者已霑巾

南入虔州路江行稍自如得知過嶺日先寫到家書灘  
急風無敵江空月共虛不愁爲客久鄉味見黃魚  
莫向秋潭照鬚眉送老來石屏橫水立野菊對山開入  
世生成懶全身賴不才自從新月出夜夜笑登臺  
經歲爲行客常時念老妻艱難支八口俯仰向中閨逆  
浪浮魚背高塵蹋馬蹄鷓鴣飛不到遙望越臺西

六瑩堂集卷之六

十  
詩雪軒校刊本

書案嬌兒坐花牀稚女臨會持青鏤管能搦繡絲針老  
眼看渠大長江想共深城頭烏尾起將子在前林  
屢有還鄉夢關河截數重月弦遲隔晦秋葉迫將冬蟋  
蟀吟陂草獼猴宿嶽鐘白雲山頂上何日倚長松  
秋氣漸清冷客行風景蒼燒痕餘草溼沙跡淨波光散  
莢黃初月汀洲白晚霜故山歸計得心卜在重陽

次石門

出海潮聲小船鳴十里椰雲根穿石暗山影蕩波光新  
綠禾苗短深紅薜荔長動人寥廓思江燕亦成行

訪李方水村居歸後卻柬  
清秋一相見及此梅花時看歷已無日閉門何所爲詩  
歌空自放天地豈偏私莫歎長如此人生不可知

寄羅山人

蟠龍龍溪老結屋梅花林香雪一春事青山淳古心琴  
停深竹露詩振靈泉音江夜芙蓉舸高天勞寄吟

送羅飯牛歸寧都山中

春來生百物昨日始聞雷煙霧晴難定乾坤暗不開遙  
從滄海上一送故人回語我山中事柴門滿綠苔

六瑩堂集卷之六

十一

詩雪軒校刊本

無錢買山隱有夢託誰清星月隨君影河關截鴈聲天  
圍芳草路人背木棉城歸日開行李茶經幾葉輕  
白茅峯頂上架屋倚雲高人座猿攜子穿簷鳥墮毛道  
情無物我春色極亭臯靜想閑居止松花落布袍

送人還楚

嶺南春色早十月已梅花無計畱君住孤城閉日斜長  
空指高鳥戍鼓雜清笳迢遞湖中路湘帆未有涯  
三楚英雄地頻年事甲兵檄傳淪浦口軍住岳陽城白  
日吹鼉浪黃沙壓騎營長才那用隱幕府舊知名

送洪大入吳

鱸魚三尺雪金錯  
鯨銀絲選日吳淞  
上佳人特爾爲舊  
遊子不忘初客自  
應知取次看風物  
楊梅似荔枝

送屈本菴燕遊

鵝潭老詩叟門對  
海門秋自得滄浪  
趣而爲京國遊浮  
雲森碣石白日蕩  
幽州看爾風塵外  
高譟上酒樓

送離公歸羅浮石洞

漸老妨幽獨逢人  
感別離那堪當臘  
日相送更禪師孤  
鴈聲何切閱雲去  
不知名山精舍在  
想見護寒時

六瑩堂集卷之六

士  
詩雪軒校本

送何不偕之桂林

故人別我去西指  
蒼梧雲臘月無多  
日春山專待君身  
隨孤杖遠鴈背一  
江分八桂蒼蒼地  
題詩那可聞

送李蒼水北上

久入幽州客還家  
復送君不堪連夜  
雨相隔半城雲點  
案燈花見融江野  
雪聞知從天路去  
鸞鶴自爲羣

向北風塵地黃河  
早合冰大川那用  
涉官馬直須乘夜  
氣山煙斂晨光野  
色興如逢征鴈到  
書可寄南陵

霜菊散金翹山梅  
蔽石橋鬬裘裝馬  
首書卷束牛腰近

塞黃雲古侵沙白草驕不會行路慣珍重佩瓊瑤  
秋夜同諸公宿離公禪房

疎鐘初落殿高葉半飛林語默存中夜蕭條見此心石  
池團竹露弦月抱秋衿靜者復何有三燈方丈深

冬日陳元孝諸子過宿六瑩堂分賦

此心非一夜客至得同堂冰氣浮陰井梅花落破牀凍  
吟聞雨歇孤燭影人長莫便遲清曉西城角滿霜

苦吟

不知天地裏還有幾人同是處堪成託吾生藉有終寂

六瑩堂集卷之六

十三

詩雪軒校用本

寥隨往日草木見東風贏得家人語時時只此中

贈何不偕

中年婚娶畢吾黨復誰人世德惟君造皇天獨爾親放  
懷從此日學道有閒身回首遊名嶽東風二十春

贈李皋水新婚

朱絲抽玉琴錦帶結同心鳳女名鄉里檀郎字藁砧宮  
梅高髻滿官燭綵盤深嘉會稱良夜千金擬寸陰

贈何小弁新婚

畦畦草標新翬翬鳥颺春芳林貽淑景嘉偶協良辰花

燭光閨里笙歌溢水濱桂旗遙復近河洛爾何神  
片月朱欄吐初星畫閣輝夜疑牛女會人作鳳凰飛  
鏡花雙影呈衣玉一圍百年渾若此長爲對芳菲

贈某新婚

燭下香車入堂前眾道殊黛雲畱盛鬢寶月湛清臚  
捉鏡安黃額開匳檢繡襦卿卿畫眉筆新取架珊瑚

贈謝大

誰知能賦手亦作射鵰人諷託原無益驍騰自有身  
劔抽三尺水馬別九方馭看取乘風去迢迢不動塵

六瑩堂集卷之六

十四  
詩雪軒校刊本

妾命生來薄狂夫早置家拂奩愁寶鏡窺日畏朝霞  
絳縷全封臂金燈屢卜花因君成嫁娶重飭六萌車

六瑩堂集卷之六

六瑩堂集卷之七

國朝南海梁佩蘭芝五著

五言律三

野寺

野寺蕭蕭立無鄰  
木四圍浮陽下平遠  
孤磬出因依白鳥盤  
空過青蕪隔影微  
不知烟火路何事得僧歸

秋潭

古潭天上鏡嶽色漫相侵  
蒼雪空成水孤雲寂照心徹  
來無可說碧極不知深  
記得窺圓月前秋直至今

六瑩堂集卷之七

詩雪軒校刊本

板橋

渺然流水遠影出住鄉心  
葭菼霜初下柴門跡共深  
何人向喬木獨往立溪陰  
復去尋孤賞寒花白滿林

釣艇

秋色落芙蓉蓴絲卷釣筒  
烟開星滿後潮長月明中天  
地何其廣江湖正不空白鷗浮  
上下一意與人同

夕陽

高低禾黍路掩映漾微黃  
鳥影一邊見蟬聲衆葉藏  
平蕪黯寒色野火明山岡  
羣動勞相息乾坤落大荒

古鏡

只如天上月今昔本同時秋水一何渺佳人方在茲無  
言通物象觀化得吾師肯信鴻濛裏茫茫不可期

古劍

以我常時佩神光尚不開帝王乘運去天地贈人來正  
極愁魑魅貧交薄貨財誰從共生死一日拭干迴

琴囊

離離蜀江錦裁作古琴囊大化歸無朕元音會至忘儼  
然見虞舜恭己深垂裳不鼓南風曲人間已樂康

六瑩堂集卷之七

二  
詩雪軒校刊本

彈琴

瀑布一千丈前山流最深幽人坐高館正理山中琴春  
水發青葉妙香傳化心悠然思太古元氣結于今

寒樹

孤峯寫枝幹老大意何如二氣相成化羣生自有初愁  
雲壓陰廣積雪明高疎誰用歎寥落東風歸太虛

冬草

生理何時見柴門凍一旬遙從天地閉深識雪霜仁前  
路誰回首空山自古春未應憔悴色黏著老夫身

聞鐘

一一風吹過誰知雪滿牀  
高天萬物肅空嶽四邊蒼  
飛葉霜俱定浮燈影自藏  
不眠終午夜幽夢負寒塘

夜漏

緒風傳人夜一夜幾回聽  
物候隨天轉人心與氣冥  
周迴千歲日高盡四方星  
多少勞生事明朝亦不停

夜潮

蕩蕩南溟水依時信自通  
氣常迴夜半柔亦見剛中  
與月浮無際爲雷塞太空  
世人那用測天地不能窮

六瑩堂集卷之七

三 詩雪軒校本

寒燈

虛堂自有星疎壁裊孤青  
與雪垂堦地離人上紙屏  
萬形歸寂照一氣迫深冥  
待了南華卷梅花白滿局

宿鳥

夕照催羣息陽林見汝歸  
月生池下影山入靜中機  
受氣知天厚爲心迸夜微  
不應星四動寒葉滿堦飛

紙窓

爲愛明窓好齋居靜不開  
照心全白室上襪半蒼苔  
宿火爐香聚高花雪影來  
青山當一面飛鳥幾徘徊

簾

微波如可託綺日上花光道是臨湘水誰知在草堂燕  
窺前後戶人隔兩重廊向夕華燈滿紅絲綴許長

藤

萬仞峯削壁置身人不知倒花敷石葉飛綠霄天絲幽  
獨成枯槁高寒且歲時山僧山寺僻相對亦無爲

玉冠

君子玉比德爲冠冠上頭青山洗流雪蒼水照空秋滑  
澤光鬢髮摩挲合手鉤麻姑相見訝昨日至羅浮

六瑩堂集卷之七

四 詩雪軒校刊本

戴爾遊仙去天門九處開玉皇親見禮稽首謝無才石  
鏡雲俱下瑤光影自回鳳凰形翅小飛上鬢蓬萊

銅餅

碧井似春鏡美人當曉臨滿園喚新鳥初日上花心哀  
玉在百尺銅餅同一音惠而能鑒我波水共相深

紙屏

紙屏高八尺恰可立虛堂俗態疑輕薄賢人敬直方蒼  
蠅污不得白雪淨相當春夜成新句持燈列數行

湘管

可憐千淚竹滴出二妃，心當日南巡事湘山幾度陰。寸雲流不極野水自相深，莫入黃陵廟題詩學楚吟。

端研太古色，高峽氣長留。寶匣垂星彩，山齋見水流。十年磨在手，此意卽千秋。送我文章老，相攜賦遠遊。

高人竹牀  
鬱鬱黃金竹爲牀，滑勝膏置予承體。直憶汝在山，高青色黏頭髮波。光上布袍，四天飛雀滿誰復出蓬蒿。

墨池

六瑩堂集卷之七

五

詩雪軒校刊本

一碧涵天地，波濤立欲飛。幾翻靈雨溼，何處黑雲歸。蜂抱花鬚過，人窺鏡影微。詩心墮空水，脈脈寫江妃。

塵尾

高人持塵尾，四座風依依。白玉閒相照，青蠅不敢飛。誰從聽新瀑，獨自洗秋衣。天上碧雲在，孤情有所歸。

瘦瓢

剗瓢文理木，卷手女磋磋。左右紋俱紐，烟霜氣幾多。山中尋酒出春日，爲花過欲洗巢由耳。連星汲夜河。

日射簞笠

前出一破心，當日南巡事。湘山幾度陰，寸雲流不極野水自相深。莫入黃陵廟題詩學楚吟。

吳僧最有名，翦笠製來輕。入寺人爭買，居山客便行。稱頭高髻出，遮日小輪生。自笑常多掛，閒雲一片情。

香煎

得入金爐內，銀灰與玉匙。麝臍畱一點，蘭氣達三時。熱火身能主，佳人手自司。不須論冷暖，幽寂是心期。

畫叉

挺然高舉手，左右復多時。力量能空上，江山欲倒移。墜雲無鳥影，壓壁有風知。予志存深隱，桃源謝爾私。

紙刀

六瑩堂集卷之七

六  
詩雪軒校刊本

出匣三寸水，水稜掌上開。風雲人不覺，輕薄爾能裁。適用何妨小，全鋒卽是才。蛟龍頭角異，早晚定驚雷。

花架

三月新花滿，東風入架偏。奮紅斜拆日，沈綠暗興烟。春女心空死，情人夜不眠。鄰園更搖曳，高影畫鞦韆。

藤簾

瓊島生藤葉，南方五月時。織成紋總總，流出雪絲絲。當月波生地，宜人玉照池。半空朱鳥火，不敢近前窺。

竹杖

太華高峯頂深寒玉女盆蓮花生在底一一拔雲根我  
欲凌風去尋仙相與言半枝桃竹杖隨意立天門

茶竈

竹屋安茶竈茶經更一編土中開燧火山下畜蒙泉飲  
食生人後陰陽象帝先自今思採綠行袖一春烟

葛帷

縑縑裂作帷初出女兒機照日黃桑嫩流波皺縠微虛  
籠天地入密使夢魂圍何處容舒卷巫雲不定飛

葛帷新似水越女翦春宵獨坐持刀尺華燈照小喬蓋

六瑩堂集卷之七

七

詩雪軒校刊本

雲真有霧通月豈無潮欲借龍宮石爲卿夢裏消

芒鞋

自入千峯去峯峯步影深照天雲落片依地草生陰幽  
磬通孤寺梅花隔一林誰能閒置汝春色正堪尋

熏籠

汝性本孤直因誰屈曲成陰晴憐氣候疎密太聰明散  
麝分全體沈香配一生美人曾不厭衣被自攜行

春山

天地森無體青冥運此中太空交氣象古色疊鴻濛深

翠流非一連雲渺不窮試從高處立衣帶滿和風  
春草

眼前生意滿小物見天心野寺連江濶柴門夾巷深屐  
泥勻細雨鳥影度新陰不信年年路行人不可尋  
春帆

天遠乘流到雲高架日通滿江前夜水千里一朝風鳥  
翼飛俱後鮫綃卷欲空浮湘今有作真與楚人同

春泉

山泉自太古覘復幽幽氣滿長如寂源深竟不流平

六堂堂集卷之七

八  
詩雪軒校刊本

生澹無欲與子靜相求花落花開地人間幾白頭

春燈

戶閉寒方滅燈開月不加青投中夜酒紅剏一園花示  
我通真性爲鄰鑿幾家掉頭詩句苦鬢髮上輕紗

春屐

屐小關身世晴天與暗天日辰輪甲子雷雨納山川益  
我行多路無人換一錢更宜居陋巷花事莫相牽

春寒

春入野風恬輕寒亦未嫌江聲橫到寺山色正當簾數

蝶開詩悶眠花耐酒厭困多應得泰閒檢六壬占

春衣

閑衣亦過春春在野人身太樸存吾尙東風莫笑貧雪  
晴初見嶽花暖恰當晨影入高紅裏新禽喚語頻

春岸

望遠心先到行前影屢移綠身蔽得紅亂眼穿疑欲  
寫新人物相煩老畫師夕陽無限好深淺著茅茨

春陰

看厯可憐新陰陰過一春歲星虛建卯日火不生寅久

六瑩堂集卷之七

九  
詩雪軒校本

病花開閣長愁酒中人未乖童冠約先自拂頭巾

秋蟲

聲聲續遠林燈影亂牆陰落葉承衣脆殘霜著地深數  
移寒鶴夢幾失病僧心誰識無聊極多予此夕吟

鷓鴣

就如一片雪飛落小溪中菰葉藏無影蘆花墜有風移  
情恣清淺引吭極高空見爾閒如此勞生恨不同

六瑩堂集卷之七

六瑩堂集卷之八

國朝南海梁佩蘭芝五著

七言律一

閣夜

百尋孤閣郡城東，簾卷前山一角風。  
哀壑有光星在底，明河無影月臨空。  
羣生靜息鴻濛裏，秋氣森歸耳目中。  
不是夜深人獨醒，海門誰見日初紅。

懷遠

意緒不知何處起，感來秋色總徬徨。  
鐘迴野外浮霜白，

六瑩堂集卷之八

詩雪軒校刊本

葉照城南夾水黃，茅屋寂寥吟草木。  
故人書札到江湘，平生懶說天涯路。  
今日高高望夕陽。

自芙蓉移居三山復入平洲感賦

亂離無計存妻子，一月移家住兩鄉。  
歸燕亦知尋舊壘，飛蓬終欲轉何方。  
身常善病憐春老，心爲憂時識夜長。  
但得水邊茅屋穩，此生甘作捕魚郎。

早鴈

關河過盡少霜侵，知爾高飛載好音。  
一度別離猶昨日，四山紅白未成林。  
人情大抵因時節，客路如斯免滯淫。

休說近來邊外事北軍俱有向南心  
草堂初報遠人歸深夜欣欣起攬衣已笑燈花開磊落  
更憐老眼望依稀乾坤何處非行役霜雪分明有殺機  
避地古來賢者事及時應得願無違

答王蒲衣匡廬見寄

石房終日自開扉太乙峯高客到稀山果熟時猿摘獻  
雪鐘沈後鶴停飛閣窺石鏡心俱冷靜對梅花月上微  
欲識故人滄海畔年年吟傍釣魚磯

江上吹笛

六堂堂集卷之八

二  
詩雪軒校刊本

我心似月照江水向月吹笛江茫茫手指出風迸商氣  
髮根溼雲生冷光天東天西星貫串浪黑浪白龍猖狂  
四顧爲誰此漁者紅衫鼓柁來相將

對山

白雲心事祇如斯去繞青山疊疊飛烟火四邊人跡絕  
柴門一片夕陽微逢僧說瀑水浮齒就樹聽蟬葉墮衣  
卻怪寂寥還未得遠天禽影傍人歸

燈

不知長夜爲誰孤猶向山中伴老夫幾樹雨聲千葉落

十年心跡一時無星臨野水涵秋鏡壁寫茅齋上畫圖  
但得對君雙眼醒不妨寒色照來枯

寒齋

滿階殘葉亂如堆一月何常掃一回黏壁暗雲愁斷影  
帶冰泉水潔生苔僧籠病鶴求詩去客裏紅衫入畫來  
昨夜北風爭不住屋梅新暖一枝開

春園夜集遲陶握山不至

林間相約不曾違試盡東風白袷衣滄海樹低潮暗上  
夕陽烟亂鳥斜歸酒當良會謀千盞月滿閒園迫四圍

六瑩堂集卷之八

三

詩雪軒校刊本

知己豈能忘此夜年來心事對花稀

林間上巳日同諸公西郊晚眺

亂離佳節易傷神况是風流舊晉人一種野花低著水  
數聲林鳥暗移春看山太息將斜日倚杖深憐漸老身  
已覺火烟官路斷可堪寒食更頻頻

一春不見吳山帶以詩代書招之

西園相別動經春憶爾山中奉老親短髮半斑爲稚子  
高樓深閉作閒人花開是處傷懷抱書著窮年記日辰  
明月金茆相憶否芙蓉溪上有垂綸

客吳門寄王說作

萬重山外千重水，追憶同君舊入林。爲友過于兄弟誼，望余兼有父師心。春晴誰信無鶯語，秋氣偏來迸客吟。又是一年時節了，吳門楓落大江深。

寄寒塘

寒塘草根穴蟋蟀，卽是幽人一片茅。颭水白蓮移鏡影，墜牆紅橘上霜苞。閒裝畫卷隨人乞，病借醫書要自鈔。近日登山太趨趨，不時攀樹弄禽巢。

春日登粵王臺

六堂堂集卷之八

四

詩雪軒校刊本

獨尋春色上高臺，宿霧重重黯不開。草木尙遲風雨後，江山曾閱霸王來。百年心跡人如此，萬里陽和氣欲回。海水自飛雲自立，世間寧少陸生才。

美人

美人夙慧自人天，九品蓮中一朵蓮。貫得珍珠長念佛，養成鸚鵡會參禪。燈邊對影醒通夜，花裏求心悟隔年。堪笑筵筵紅尾鳳，尙傳王母喚修仙。

懶

要從天性得吾真，反作人間一懶人。明月射簾隨徹夜，

落花填巷不知春  
試吟詩句難終首  
借臥僧寮動隔旬  
閒客到來同散誕  
自登泥壁掛頭巾

鶴

自成標格好威儀  
不踏雲枝便雪枝  
山館半開流瀑處  
石樓長閉落棋時  
秋空帶病吟真苦  
月下孤行影自隨  
何日結同僧伴侶  
殷勤相對語相思

秋村

一閒茅屋夾松門  
兩片疎籬護石根  
鑷髮每朝行照水  
彈琴終日坐無言  
風鳴野壑留乾葉  
霜落溪橋有剝痕

六瑩堂集卷之八

五

詩雪軒校刊本

識得寂寥人在此  
不妨漁艇問孤村

七夕贈女温蕙

人家乞巧尋常過  
小女聰明獨好奇  
丫角髻行參佛禮  
生羅衣寫望仙詞  
沈香揀出熏空處  
花藥穿齊賽一時  
捉得蜘蛛載金盒  
要同天女鬪天絲

琴六瑩典人十七月幾不歸  
癸卯牛女夕得金贖

還喜賦

對此誰能不惘然  
隔年消息雁秋天  
空山木落發遙思  
孤館月明生獨憐  
記去事情宜造化  
歸來時日信因緣

卽看牛女成長會竟夕爲君不肯眠

六瑩堂前梅重陽日一花開同王說作陳元孝

諸子分賦

東風先報草堂人九日梅花一朵新  
隔歲已知天氣候當時偏見雪精神  
誰斟熱酒依寒菊獨遣閒情對早春  
待到月明還共賞朗吟詩句動南鄰

石門道中

江勢紆迴不覺遙好風吹趁石門潮  
人行沙岸看楓葉鶴立秋田啄黍苗  
寺影半間遮谷口泉聲一道出山腰

六瑩堂集卷之八

六

詩雪軒校刊本

舊時刺史荒祠在蘋藻無因薦暮朝

觀暹羅使者入貢

能於化外識尊親不憚波濤濺著身  
媵水魚龍忘颺母指天南北託針神  
中朝禮自通甥舅外國稱原列子臣  
方物只將金葉表聖王從不貴奇珍

東風銅石巖訪劉仙遺跡用壁間韻

仙山無故得相求國有芙蓉水有洲  
石扇閉來天沒影洞雲飛出樹移秋  
人從蝙蝠每遣代帝遣崑崙墜此邱  
想戴三花騎鳳去不時長入玉霄遊

登陽春城樓

城倚東南隔海濱  
四州形勝共比鄰  
山河到處邀雙眼  
天地虛疑立一人  
出谷雲光銜鳥影  
遶空雷響墜車輪  
明珠翡翠勞消息  
此地于今是要津

送區魚山歸鐵城省覲

歲暮州城負米歸  
他鄉猶得戀慈幃  
亂離祇合甘貧賤  
生計何妨采蕨薇  
海上一帆孤島近  
柴門深雪夜燈微  
讀書膝下真難事  
莫嘆乾坤老布衣

寄毛中菴

六堂堂集卷之人

七 詩雪軒校刊本

故人相隔香山縣  
不見于今已十年  
海上波濤頻到夢  
篋中書札幾成編  
鸞帆出沒浮孤嶼  
鳥道青冥失遠天  
往日鬚眉聞尙爾  
秋風期共入幽燕  
宿靈洲山寺同魏和公  
何不偕陳元孝陶苦子家

器圃因寄王說作東村

此夜吟詩不肯休  
村前村後水中洲  
潮聲出海鳥歸樹  
月色下山人上樓  
難得老僧時共語  
重憐良友不同遊  
忽看遠映生空思  
漠漠蒹葭一氣秋

聞鴈

寄書曾不到重城翹首中天但一聲銀海路遙行斷續  
玉樓人靜影分明當風月黑沈幽怨對壁燈紅感旅情  
莫向長空亂嘹唳水田千頃荻花生

黃村探梅

梅花千里黃村路花候誰能更掩關滿地月明憐昨夜  
一天寒色在前山水融野壑崖前折僧立溪橋影自閒  
擬欲置身茅屋裏白頭相對不知還

舟次佛山過程周量蕺山草堂留別

又得停舟訪故人卻憐前日別離頻酒香滿盞不惜醉

六瑩堂集卷之八

八  
詩雪軒校刊本

月色上衣從著身強比遠書燈下作若爲他夜夢中親  
所思動輒隔千里到嶺驛梅隨馬塵

金陵

遠城江水白粼粼人殿青山出郭新龍虎地形還聚氣  
帝王天命每關人當空葉落分帆影逆面秋風送馬塵  
苦憶舊時詞賦客欲來題遍六朝春

舊時江水舊時潮難怪行人說六朝飛過夕陽鴉點點  
散來秋草馬蕭蕭多年王氣山頭滿昨夜鐘聲夢裏消  
欲問興亡向何處秦淮沽酒破無聊

姑蘇

八卦週城按地輿已辰門逗八風疎繁華未歇吳趨里  
反覆終歸越絕書早露樹開占屋烏夜燈船沂上潮魚  
舊時王霸無人講豨巷雞陂不似初

此地誰知舊館宮吳王當日醉春風三千死士散江上  
一箇美人同鏡中秋寺竹聲通晚磬斷橋山色隔長虹  
到來感慨事何限縹緲夕陽湖水東

楚中

黃陵廟口歌竹枝歌者女兒能楚詞似負細腰誇絕代

六瑩堂集卷之八

九  
詩雪軒校刊本

不知長恨寄將誰湘江半夜通三峽巫兩崇朝對九疑  
欲記高唐夢中事碧城無語但相思

咸陽

中條西盡九邊分一面關雄百萬軍寶劍竝人磨黑水  
角弓終日射黃雲山空鳥鼠飛無次川亂魚龍出每羣  
信是帝王州壯麗秦皇墳對漢皇墳

燕中

易水擬歌歌不成荆軻去後少人聽身捐太子心全腐  
手劫秦王血尙腥朔雪布來河路黑邊沙飛入馬毛青

平生白草黃雲意學插雕弓倚鴈翎

沛中

黃河西出南徐路馬首經過識沛中一代帝王還故里  
幾家雞犬入新豐天垂芒碭雲疑在山擁彭城氣已空  
湯沐昔時諸父老相逢誰爲述歌風

雒陽

東都遺蹟與誰尋雒下詞人自古今中嶽氣生朝日涇  
黃河聲應夜鐘深平時玉几升龍卷幾度瑤笙降鶴音  
無限興亡無可說一春閒對牡丹吟

六瑩堂集卷之八

蜀中

每到春來看海棠隔春猶憶過瞿塘眼新始見巴江水  
身舊仍衣楚澤裳陰洞毒雲龍蛻骨遠山生草麝行香  
東風吹醒今朝夢大禹祠南是漢王

鄴中

漳河流水漫無聲銅雀空留昔日名幾片瓦尋文士蹟  
一邊鴉點夕陽城英雄不護生前短歌舞難忘死後情  
試望西陵松柏裏夜來孤月爲誰明

隋宮

四邊歌吹古揚州萬樹垂楊不繫愁寂寞河山遺玉璽  
繁華天地在迷樓清江鏡洗長年水廢苑螢乾昨夜秋  
無數女郎能結束昔時天子甚風流

滁州店中夜雪卽事

下馬入來還日色忽然陰雪滿山城數圍燈暈看全變  
一尺堦渠積到平貪暖酒杯香易散苦寒詩筆力難爭  
牆東少婦猶蠶績長夜絲車札札聲

贈錢葆勣舍人

美人家住五茸城唱出高歌作鳳鳴明月在天誰可比

六瑩堂集卷之八

十一

詩雪軒校刊本

雲英爲水不曾清交窗紅藥等常坐結佩雙璜自在行  
我亦海中龍女伴可能相見傍霓旌

贈王將軍

天垂星宿坐河魁上將勲名滿粵臺交趾遠馴蠻象去  
酒泉新賜橐駝來千檣海浪朱旗建三鎮軍容玉帳開  
幕府晝長無事日投壺花下更銜杯

同諸公集具茨山堂遲陳元孝不至卻寄

巾烏別來無幾日憶君長自枕高春岳僧攜坐孤燈外  
沙鶴黏行瘦影重一線月弦沈石閣數聲蟲響應山鐘

莫隨烟水空江望欲寄湘南五尺笳

湘妃

水濶瀟湘見二妃江空露下少人知數聲木葉落深處  
一望渚烟迷到時太息雅琴成絕調竝彈瑤瑟寄相思  
就中要眇情何限只是含顰對九疑

明妃

明妃西嫁幾時回跪拜君王寶曆開漢月暗隨金鴈去  
塞雲高擁紫駝來還如公主親承輦未許單于共上臺  
憶得舊宮當日事琵琶彈出自家哀

六疊堂集卷之八

三

詩雪軒校刊本

文君

女蘿絲附木瓜身新寡文君自結親辨得琴聲無怨調  
託將詞賦有情人誰家明月能離夜何處東風不嫁春  
遺恨白頭還後死茂陵書在向誰陳

雜神

似曾相見不會通一片精靈立水宮何處條來儀髻鬢  
若爲將去影朦朧桂旗側想衣裳德玉珮深矜禮樂躬  
解道東歸怨曹植停車無語對蘭叢

寄內

寄內

會宜夫婿會承翁見爾賢人在女中一別遂爲河漢隔  
雙棲終與鳳凰同鏡開後夜圓圓月花發前年正正風  
京國近來居破寺病身求懺佛燈紅

館娃宮懷古 用皮陸韻

柵檜廢已無宮瓦苔蘚沿空有石崖遊客踏來麋鹿草  
美人遺去鳳凰釵難言珠鏡相憐照合與銀泉一葬埋  
當日更誰能認得越來溪上總傷懷

禾黍離離非昨昔宮牆誰見出層崖亡王氣盡沈金劍  
妖女魂銷化玉釵入地定知無淚滴上天何處把愁埋

六瑩堂集卷之八 詩雪軒校刊本

從來不獨遊人恨野寺山僧亦動懷

南漢臺高控杳冥滄浪人對楚山青欲將玉尺量天地

未信銀河倒日星深夜老猿啼到曉隔江寒鴈落前汀

誰能更聽湘君曲一路懷沙過洞庭

禁籞何人到海涯景陽宮裏盡啼鴉徒聞草野留王氣  
不見蕪城是帝家斑竹至今悲二女蒼梧終古葬重華

六龍南幸無歸日腸斷西風起暮笳

天府誰誇百二雄帝王原自出秦中山河鐵壁無人到

庸蜀金牛有路通拔地不知留淺草射天真欲挽長弓  
何因三月咸陽火不及旃裘似火紅

誰捧朱書霹靂文沈香虔告玉皇聞虹蜺大駕驅雷雨  
組練長江閃日雲霜角夜吹偏獨戍縞衣人哭盡三軍  
微茫更自乘槎去消息崑崙總未分

贈葉猶龍金吾

漢時都尉聲名重家世勲勞國史稱賜劍幾年藏北斗  
種瓜終日學東陵天中絲管長留客屋裏湖山欲贈僧  
相過黃塘坐明月羅浮峯影落層層

六瑩堂集卷之八

十四

詩雪軒校刊本

贈某參軍

才子爲官在法曹鏡歌新製入龍韜手扶地軸東南圻  
身倚天門日月高符璽帝王前代見麒麟功業此時遭  
閨中亦識封侯好大雪當窗繡戰袍

吳中雜詠

引河新水入湖遙菱葉菰童一尺潮樹裏見人藏酒幔  
鏡中移屋上鮫綃香風暗度黃鸝巷畫楫輕過白馬橋  
試倚半塘聞一曲城樓霜落冷笳簫

遠浦蒹葭望不窮楚帆明滅夕陽中求魚獺截長河水

逐鳥鷹圍曠野風無數樓船排日腳半天砧杵亂秋空  
吳中景色原來好留得行人看葉紅

東陸孝山太守

北風吹鴈向南飛江上人從嶺外歸一水冷雲隨客夢  
四山紅葉照征衣高看鳥道臨官閣遠想漁翁話釣磯  
不有故交賢太守此心誰識與時違  
日南天半古梅關符節年年駐此間劇郡本來難乞假  
大才偏不異投閒常因齋沐尋孤寺每出文章動百蠻  
應有新詩及同好伴將吟鶴入秋山

六瑩堂集卷之八

五

詩雪軒校刊本

贈王兵憲

柏臺枝葉長丹柯東拂扶桑陰海波兩世旌幢誰得似  
百蠻碑碣總難磨神羊正奪奸回氣朱鷺新傳部曲譌  
京國故人來遠信下交猶爲達巖阿

宿白嶽寄陳中洲給諫

江鄉深處看魚標風駕船頭幾尺潮蜀國罷絃誰爲解  
楚人能些自應招有時佳句書牙笏無故禪心指藥瓢  
我亦嶽雲留止宿滿山壇鶴亂秋宵

贈簷竹也明府

旅宦十年長閉戶同時少見一人曾俸錢貯足供慈母  
藥物收多饋老僧注易每研花土露閒吟時望閣中燈  
秋來更欲看山去新斲猢猻五尺藤

送人入安南要與英華人辨心

萬里波濤幾日程海門飛去片帆輕魚龍宮闕浮空上  
犀象人家遶樹行寶貨遠通銀豆市艾花春滿竹棚城  
日南本是南交地况復彝王識姓名

市橋春望

劃盡青山江浩浩碧空無際望中分飛來斷岸潮千尺

六瑩堂集卷之八

六

詩雪軒校刊本

點落新苗鶴一羣抱日魚龍含雨氣指天旌旆動星文  
伏波銅柱由來事欲向樓船問水軍

日南駒

乳齒未經金絡頭赤身渾結五花毬寒原隨獵愛衝雪  
生草齧槽能辨秋行地星辰有底影出天龍馬無同儔  
養成千里不輕易要與英雄人報仇

飛泉井

百尺飛泉井上凝注來山瀑一條水爲誰花下鋪銅鏡  
眼見星心下玉繩尙想病時涼肺火每同僧夜酌秋燈

無端浸著芙蓉葉野鶴踏翻無數層

贈妓

一回相見卽成因合掌蓮花瓣裏人瓔珞自粧嬌少面  
琉璃如照淨明身為憐豔骨呈金瑣每厭時名比玉眞  
常把念珠齋日數斷除車馬問江濱

豔情偏愛寫幽蘭寫出瀟湘人座寒劍葉未承公子佩  
花心先許侍兒看拾將天上霞千片買得吳中綺一端  
乞與使時圖數筆袖歸晨夕共盤桓

六瑩堂集卷之八

七

詩雪軒校刊本

帝妃終日泛衡湘生成慧舌調鸚鵡慣織金衣學鳳凰  
竝笑竝憐無不可芙蓉花發照橫塘

六瑩堂集卷之八

六瑩堂集卷之九

國朝南海梁佩蘭芝五著

七言絕一

遊仙詞

嘒嘒雲車曳曳輪到來宮殿忽朝身  
天門燦爛金銀色  
玉狗當前不吠人  
半夜天雞呼日出扶桑東角看來真  
分明一粒如紅豆  
不信人間訝火輪

不覺齋身在玉清比來筋骨似烟輕  
蓬萊山上原能到

六瑩堂集卷之九

詩雪軒校刊本

只是秦皇少至誠

無端一片死鴻濛紫鳳青虬下半空  
金母報書催電女

玉皇傳令點雷公

仙官專欲顯神通昨夜瑤池讌會同  
齊入坐前齊袖手

一時天果擲當中

神皇天酒賜天廚銀甕金船當酒觚  
百拜謝恩剛退出

又逢玉女拉投壺

仙女飄飄字婉羅洞門雲鎖没人過  
閒來去弄桃花水

染得銀河作絳河

騎龍鞭到上清居，角雙童守玉除。道出姓名全不吝，  
榜來仙令五雷書。

洞中蝙蝠大如箕，衝出天宮四散飛。偷得嫦娥靈藥喫，  
滿身光彩雪毛肥。

春燈曲

黑紗籠裏紫瞳瞳，蠟燭燒當午夜風。別有捲簾人不見，  
紅樓聲徹半空中。

粵曲

春風試上越王臺，錦繡山河四面開。今古興亡猶在眼，

六堂堂集卷之九

二

詩雪軒校刊本

大江潮去復潮來

琵琶洲頭洲水清，琵琶洲尾洲水平。一聲欸乃一聲樂，

共唱漁歌對月明。

西浦

西浦橋邊納晚涼，葛衣斜透稻花香。舟迎雪浪黏漁網，  
陂遶菰蒲長鶴糧。

一天黃葉下溪流，兩岸芙蓉隱釣舟。明月滿庭眠不得，  
金籠蟋蟀在牀頭。

吳中雜詠

如此江山足霸圖  
闔何事竟亡吳  
太湖三萬六千頃  
輸與謀臣范大夫

白紵水衫試舞新  
吳宮猶憶苧蘿春  
從今莫拜要離塚  
當日功成屬美人

出京口號寄程周量

珂馬丁當入禁廬  
出京人駕小牛車  
不因痛哭空陳策  
那得窮愁更著書

天南天北路爭長  
欲取仙人玉尺量  
莫說太長行不得  
鷓鴣生在越王鄉

六瑩堂集卷之九

三  
詩雪軒校刊本

綠旗軍婦撥金槽  
紫帳哥舒帶寶刀  
一箇腐儒無處立  
太行山色照來高

荔枝龍眼花盡開  
嶺南歸去心悠悠  
哉有人問我作何事  
荅道昭王塚上來

送人

水綠山青去鳥頻  
晚烟朝雨卻愁人  
舊時南武宮前樹  
開作棠梨別樣春

偶題

芙蓉溪內水三丫  
插棘編籬自一家  
富貴眼前人不識

滿園開遍佛桑花

南海神廟書事荅陸義山并次原韻

扶胥日上海雲融若木花開殿角東  
銅鼓祭神人盡到  
不知潮信爲誰通

翠蓋霓旌夾道垂  
眞珠裙沓玉堦遲  
遊人避去驚龍女  
海客何因得共隨

軟風無力度香微  
爲胷明霞上畫衣  
羨殺廟門紅豆樹  
一雙孔雀自交飛

贈邵山人

六堂堂集卷之九

四

詩雪軒校刊本

一從賣藥問巴賓  
歸臥朱陵四百峯  
茅屋半間雲幾片  
手栽松樹已成龍

柬黃生

楊柳初齊正學眠  
海棠含雨復含烟  
昵人一種情無耐  
莫遣東風大劇顛

夜宿下化灘作

楓落沙灘野色昏  
酒邊燈影黯人魂  
無端月向前溪出  
知在蘆花第幾村

漁翁下灘有底急  
把火照灘篙力齊  
網得鯉魚長尺半

可惜夜深無酒攜

瞿塘峽口灩澦堆大珠小珠轟疾雷恰似此灘吼風雨  
四山無色野猿哀

贈郝翁

百尺青松千尺枝半欹北澗半東陂老翁松下看流水  
正是山中酒熟時

夜過賈生

十年閉戶似深山老衲心清一片閒今日卻令猿鶴笑  
白雲流影到人間

六瑩堂集卷之九

五

詩雪軒校刊本

白雲滿屋梁人語

茅屋半間雲

十年閉戶似深山老衲心清一片閒今日卻令猿鶴笑

蘇轍賈生

五峯山畔醉盤礴海峽舍南復名題此人一種情無耐  
百尺青松千尺枝半欹北澗半東陂老翁松下看流水

韻藻餘化雜作

四山無色野猿哀酒過燈影照人魂無端月向窗邊出

瞿塘峽口灩澦堆大珠小珠轟疾雷恰似此灘吼風雨

六瑩堂集卷之九 把火照船高力齊網得鮪魚長尺半

10971

